

ABRAHAM SACRIFIANT

[375] De vous suyure, afin d'aller voir :
Mais voicy mon pere qui vient.

Abraham sortant avec Sara.

Mais tant y a qu'il appartient,
Quand Dieu nous enioint vne chose,
Que nous ayons la bouche close,
Sans estriuer aucunement
[380] Contre son samet commandement :
S'il commande, il faut obeir.

Sara

Je vous pri' ne vous esbahir
Si le cas bien fascheux ie trouue.

Abraham

Au besoin le bon cœur s'esprouue.

Sara.

[385] Il est vray : mais en premier lieu,
Sachez donc le vouloir de Dieu.
Nous auons cest enfant seulet.
Qui est encore tout foiblet :
Auquel gist toute l'assurance
[390] De nostre si grande esperanee.

Abraham.

Mais en Dieu.

Sara.

Mais laissez-moy dire.

Abraham.

Dieu se peut-il iamais desdire ?
Partant assurée soyez
Que Dieu le garde : & me croyez.

Sara.

[395] Mais Dieu veut-il qu'on le hazarde ?

Abraham.

Hazardé n'est point que Dieu garde.

Sara.

Je me doutte de quelque cas.

Abraham.

Quant à moy ie n'en doutte pas.